

‘Nà vasata

Ah! Si putisi dari ‘nà vasata
a chidda ca haju sempri ‘ntesta;
la notti mi sonno la sò risata,
lu jornu la sentu ed è ‘na festa.

La stringissi forti a lu mè pettu
taliannula diritta ‘nta l’occhi,
la vuccuzza ccì vasassi cu rispettu
e la sottana ccì riissi a li dinocchi.

Lu sò sapuri sarvassi rasu-rasu
nnì la mè vucca, nnì lu mè palatu,
lu sò profumu nnì lu mè nasu,
l’amuri nnì lu cori ammucciatu.

Di tuttu chistu idda nun nnì sapi nenti,
lu ventu porta luntanu li mè sentimenti,
vicinu la vulissi pi essiri cuntenti
campassi pi idda e libirassi la mè menti.

Menu mali ca haju tutta ‘sta fantasia,
nun fazzu nenti, ma scrissi ‘sta poesia.

2007 Giuseppe Cardella